

## ESTHERIN A MÎTE A CHHANHIM

VÂNTLÂNG: Kan in̄tanpui tlâng thîn.

CHÂNGVAWN: “Ka hminga mi pahnih emaw pathum emaw an inkhâwmnaah chuan, an zîngah ka awm zêl \hîn sî a,” (*Matthaia 18:20*, NIV).Chhiâr Tûr: Estheri 4; 5:1-7; 7:1-4; 8:11; *Zâwlneite leh Lalte*, (2<sup>nd</sup> Edition, 2014), pp. 510-512.

Thuchah: Kan ÷awngtai hovin Pathianin min ngaithla thîn.

Zirlai Tum: Naupangte Chuan:

- Pathianin A mîte ÷awngtaina a chhâng thîn tih hria a,
- Mi dangte nêna ÷awngtai ho tûra phûrna leh chakna neiin,
- An thiantle leh chhûngte nêna pawh mi dangte an ÷awngtaisak thîn ang

*Nangni in nah in chhûngte nêna in ÷awngtai ho thîn em? Lalnu Estheri pawh amah enkawltu nulâte nêna an lal inah an ÷awngtai ho va. Mi dang tam takte pawh an lo ÷awngtaisak bawk a ni.*

**E**STHERI kha Juda mî, fahrah, nû leh pâ pawh nei lo vin, mî ram hla takah an chêng a; mahse, a lo nulât hnû chuan lalnû-ah a ÷ang ta a ni. A pate Mordekaia khân tha taka enkawlin, Pathian hmangaih leh zah dante a zirtîr thîn a. Anni chu Juda mi an ni tih tû mâ hnêna hrilh lo tûr pawhin a zirtîr bawk a.

Estheri chungchângah lalin a rilrû thlâk leh mai tûrin Mordekaian a duh lo. A chhan chu Mordekaia kha lal ina hna thawk a ni a, Estheri hnênah thurâwnte pên, thûte a chah bawk thîn a. Chutiang avâng chuan Estheri pawh a lâwm hlê thîn a ni.

Estheri lalnû a nih hnû kum ngâ vêlah, ni khat chu Mordekaia hnên a÷angin thuchah pawimawh tak mai a dawng a. Lal khâwnbâwl upa, Hamana chuan Judate tâna dân hnawksak deuh mai chu siam tûrin lal chu a hmin



a. Chû dân ang chuan hmalam hun rei vak lo vah Juda mîte chu an thil neih zawng zawng chhuhsak ni mai lo vin, thah vek tûr an ni dâwn a. Mordekaia chuan, “I mîte nunna zawng zawng zuah a nih theihna tûrin lalber hnênah i ngên tûr a ni,” tiin a chah a.

Estheri chuan Mordekaia hnênah thû a thawn lêt leh a. “Ka hlâu. Lal ber hian thla khat chuâng mah min ko ta lo sî a, lal hmu tûra kal mai phalsak ka ni bawk sî lo,” a ti a. Lalberin a ina lêng tûra a sâwm a nih chauh loh chuan, lal hmâah tû mah, lalnû meuh pawh an kal mai phalsak an ni ngai lo. Chutianga tî an awm a, lalin a tiâng chu an lama a tiâwn a nih chauh loh chuan, tihlum nghâl tûr an ni mai.

Mordekaian thuchah dang a thawn leh a. “Lal ina chêng i nih vâng khân him bîk tûrah inngai suh. Lalnu nihna i lo chan hi hetih hun a tân hian a ni dâwn lo’ m ni?” a ti a.

Estheri chuan a rilrû a siam fel ta a. Mordekaia hnênah chuan thuchah a thawn nawn leh a. “Khawpuia Juda awm zawng zawngte kha ko khâwm vek ang che. Ni thum chhûng chu eng mah ei lo leh in lo vin, chaw-nghei hun puâng ula. Chhûng hun zawng zawng chu ɬawngɬai nân lo hmang ang che u. Kei leh min enkawltu nulâte pawh chhâw chu kan nghei vê ang. Ni thumnaah chuan lal ber hnênah ka va inlan tawp mai ang a, ka thih leh ka thî a ni mai ang chu,” a ti a.

Ni thumnaah chuan, Estheri chuan a ɬawngɬai hnuhnung ber hlânin, a lal thuâm a inbel a. Huaisen takin lalber rorêlna hmun chhûng ril ber chu a pan ta a ni.

Lalber chu a’n dâk chhuak a. Sâwm loha a hmâa rawn inlan ngam ta mai chu tu nge maw ni le? E he, Estheri a ni reng mai! Lal chuan hlim hmêl pu chungin, a lo kiâi-sak a, a laltiang chu Estheri lamah a ti-âwn a. “Lalnu Esther, eng nge i duh le? Ka lalram chanvê hial pawh ka pê ang che,” tiin ɬa takin a lo biâ a.

Estheri chuan laltiang hmâwr chu a va khawih a. A zanriah buatsaih kîlpui tûrin lalber chu a sâwm ta a. Zanriah an kîl ɬum hnihnaah chuan lal hnênah Juda mî a nih thû chu a hrilh ta a ni. Amah leh a mîte tihlum an nihna tûr thupêk chu sût leh tûrin a ngên nghâl a.

Chutah chiah chuan lalber chuan chutianga dân siam tûr chuan tûin emaw a lo bum a ni tih a inhrethiam ta a. Mahse Media leh Persia dân siam tawh rêng rêng thlâk leh mai mai theih a ni lo. Lal ber pawhin dân an siam tawh chu a sût mai mai thei lo. Tichuan dân thar an siam leh tâk chu: “Judate chuan mahni an lo invêng him thei ang,” tih a ni. Chû nî a lo thlen chuan, tû mahin anmahni tihnat an tum ngam ta lo a ni.

Estheri huaisenna leh Pathian thiltihtheihna avângin Juda mîte chu chhanhim an ni ta a. Mipuite ɬawngɬai honaa an thil dîlte chu Pathianin a lo ngaithlâ a. Tûn thleng pawh hian Pathian chuan kan ɬawngɬainate min la ngaihthlâksak reng a. Mahniin kan ɬawngɬai emaw, a huhovin kan ɬawngɬai emaw pawh nise, a hre vek a. Ani chu engtik lai pawha min ngaihsak rengtu Pathian mak tak chu a ni!

## TÌH TÛR LEH SAWI TÛR

**Sabbath Chàwnhû:** Tûn kêr nî tinin, zirlai hi chhiar ho vin, chângvawn ennawn nân heta zaizir hi in ti ðhin dâwn nia:

**Ka hminga** . . . . Mahnî inkawh.




**Mi pahnih** . . . . Kut zungtang pahnih phar chhuah.



**emaw pathum** . . . . Kut zungtang pathum phar chhuah.

**an inkhâwmnaah chuan** . . . . Bân pahnih phar chhuah a chhông lam zâwna vai kual



**an zingah** . . . . Mahni leh mi dangte kawh kuâl



**ka awm zêl ðhin** . . . . Chunglam kawh vâ.



**Matthaia 18:20** . . . . Kut phah pahnih thlawp a, kêr leh.

**Sunday:** An Sabbath Sikula Tawngtai Kutte Lallukhum (Crown of Praying Hands) emaw, arsi lem an siam emaw chu an ðhian hnêna pe tûrin fuih la, chutah Lalnu Estheri chanchin hrilh ang che. (A nih loh pawhin, lallukhum leh arsi lem siamin in chei mai dâwn nia.) Estherin a mîte chu tawngtai ho tûra a hruai khân ani chu arsî angin a êng a ni.



**Thàwhðannî:** *Estheri 4* chhiar ho ula. Mîten chaw-nghei leh tawngtai an neih ðhin chhan sawi ula. A huhova tawngtai tlâng entîr nân, in fâ chu lazâia thlâi fang hlin zawm diah tûrin pui ang che. A tâwp chu suih zawm ula, chutiang chuan tawngtaia ðhingthi kuâl ang a lo ni dâwn nia.

**Thàwhlehnî:** I ke khingkhath leh in fâ ke khingkhath chu thlun zawm ula, kal dun han tum teh u. Sawi tûr: Hei hian min hriattîr chu, Tawngtai hona hian chakna min pên, mi dangte nênhnaih zâwkin min thlun zawm ðhin. Fakna hlâ sa zui nghâl ang che u.



**Nîlâinî:** Hrukpuan pharhin in fâ nênhn chuan baloon hampûar sâ zâwnin pâwnah vahpui vêl teh u, ti tla lo vin eng chen nge in kalpui theih? **Inzawh tûr:** Chutianga tih chu a hlimawm em? Tawng dîn ðha tak kan ni a, thil dang pawh kan ti dînin, tawngtai dunte pawh kan ti thei ang. Hla sak tûr: “Whisper a Prayer” (No. 39). Chutah in hmêlhriat tû emaw tân tawngtaisak ang che u.

**Nîngânî:** **Inzawh tûr:** Tawngtai tûra inpeih tûrin eng nge kan tih ðhin? Engati nge chutiang thilte chu kan tih ðhin? (Pathian chauh kan ngaihtuah theih nân leh, Amah zah taka kan châwimâwi theih nân a ni.) In chhôngkua in tawngtai ho theih avângin Pathian hnênah lâwmthû sawi ula. Amah chu in hmangaih a ni tih hrilh ang che u.

**Zirtâwpnî:** Bible thawnthû hi in chhôngkaw lemchanah hmang ho ula. In fâ chu Estheri anga huaisen a nih theih dân tûrte sawiin, ðhenkhat chu a tak ang thei ber tûrin ti chhin teh u. **Inzawh tûr:** Huaisen ni tûrin tûin nge tanpui thei che? (Isua)